



**Lescha davart l'indemnisaziun
dallas prestaziuns dalla
vischnaunca Sumvitg en
connex cul provediment
d'eleticitad**

Art. 1 Applicazion

- ¹ Questa lescha vala per la reit da distribuziun d'electricitat ch'il gestiunari dalla reit meina pil provediment dils consuments finals sil territori dalla vischnaunca da Sumvitg.
- ² Questa lescha regla l'indemnisaziun dallas prestaziuns dalla vischnaunca da Sumvitg en connex cun la reit da distribuziun d'electricitat.
- ³ La lescha regla buca la colligazion dils consuments cun la reit da distribuziun d'electricitat ed ils cuosts persuenter.

Art. 2 Indemnisaziun dalla vischnaunca Sumvitg per las prestaziuns

- ¹ Il gestiunari dalla reit indemnisescha la vischnaunca da Sumvitg per far diever dils funs e terren public per la construcziun ed il menaschi dalla reit da distribuziun d'electricitat cun ina taxa annuala.
- ² La taxa annuala vegn calculada sin fundament dil quantum d'energia che vegn repartius ord la reit da distribuziun als consuments, multiplicaus cun ina tariffa da 0.5 – 2.0 raps per kilowat ura. La suprastonza communal fixescha la tariffa.
- ³ Il gestiunari dalla reit ha il dretg da reparter quella taxa sils consuments. La taxa dil consument vegn calculada sin fundament dil quantum d'energia ch'el ha retratg, multiplicaus cun ina tariffa da 0.5 – 2.0 raps per kilowat ura. La taxa sto vegnir presentada separadamein el quen dil consument tenor las leschas surordinadas.

Art. 3 Calculaziun dalla taxa

- ¹ Il gestiunari dalla reit annunzia alla vischnaunca da Sumvitg annualmein, mintgamai entochen ils 31 da schaner l'energia ch'ei vegnida repartida sur la reit da distribuziun.
- ² La vischnaunca Sumvitg definescha tenor las indicaziuns digl artechel 2 la taxa annuala ch'il gestiunari dalla reit ha da pagar e tschenta quen persuenter.

Art. 4 Vigur

Questa lescha ei vegnida approbada entras la radunanza communal dils 14 da zercladur 2022 e passa en vigur retroactiv ils 1 da schaner 2022.

Art. 5 Determinaziuns finalas

El mument che questa lescha va en vigur, vegnan pli veglias ed otras disposiziuns davart la medema materia giuridica chestattan en cuntradicziun cun quella lescha cassadas.

Il president communal

sig. Armin Candinas

Igl actuar communal

sig. Fabian Collenberg